

«Հաստատում եմ»

«Միքայելյան վիրաբուժության
ինստիտուտ» ՓԲԸ

Գլխավոր տնօրեն՝

Է.Ս.Բարսեղյան



ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ ԳՐԱԽՈՍՍԿԱՆ

ԺԴ.00.12 «Ստոմատոլոգիա» մասնագիտությամբ բժշկական
գիտությունների թեկնածուի գիտական աստիճանի հայցման համար
ներկայացված Արտակ Գագիկի Հերոյանի «Պարօդոնտի հյուսվածքների
կլինիկո-լաբորատոր վիճակի համեմատական գնահատումը
մետաղական և ցիրկոնիումի օքսիդի հենքերով կոնստրուկցիաների
կիրառման դեպքում» թեմայով ատենախոսության վերաբերյալ

Աշխատանքի արդիականությունը

Ներկայումս օրթոպեդիկ ստոմատոլոգիայում կիրառվում են տարբեր նյութերից պատրաստված անշարժ կոնստրուկցիաներ: Այդ նյութերի բաղադրիչների անցումը բերանի խոռոշ կարող է բերել միկրոբիոցենոզի խանգարումների, ախտածին միկրոօրգանիզմների կուտակումների և բազմազան բորբոքային հիվանդությունների զարգացման:

Ատամնապրոթեզների համակարգչային նախագծման և ավտոմատացված պատրաստման տեխնոլոգիան ստոմատոլոգիայի նորարարական զարգացման խորհրդանիշներից մեկն է, որը նշանակվում է CAD/CAM հապավումով: Ստոմատոլոգիայում այդ տեխնոլոգիայի տարածման պատճառներից մեկը առանց CAD/CAM համակարգերի կիրառման՝ ավանդական եղանակով պատրաստվող պրոթեզների քննադատական գնահատումն է: Որպես ավանդականի նկատմամբ նոր տեխնոլոգիայի առավելություն՝ կարելի է նշել պրոթեզավորման փուլերի կրծատումը, chair side ռեժիմով (հիվանդի բազկաթոռի մոտ) մեկ-երկու ժամվա ընթացքում անուղղակի կերամիկական ռեստավրացիաների պատրաստման հնարավորությունը:

Զանազան կերամիկական պրոթեզների ազդեցությունը եզրային պարօդոնտի, հատկապես արտազատվող լնդահեղուկի ծավալի վրա, լնդահեղուկի pH մակարդակի

փոփոխությունը, բորբոքային պրոցեսի առկայությունը դուրս են մնացել հետազոտողների ուշադրության ոլորտից: Ներկայումս առաջարկվող տարբեր կերամիկական համակարգերը միմյանցից զգալիորեն տարբերվում են իրենց ֆիզիկա-քիմիական ցուցանիշներով, պատրաստման տեխնոլոգիայով և ամրությամբ: Սակայն համեմատական գնահատման հարցերը մինչև օրս ամբողջովին լուսաբանված չեն:

Այսպիսով, արդիական է դառնում լնդային հեղուկի ֆիզիկաքիմիական ցուցանիշների, պաշտպանական բաղադրիչների պարունակության ուսումնասիրությունը մասնակի երկրորդային անստամության դեպքում՝ անշարժ կոնստրուկցիաներով պրոթեզավորումից առաջ և հետո: Ամբողջ վերոշարադրյալը վկայում է այդ խնդրի արդիականությունը և հիմնավորում է սույն հետազոտության իրականացումը:

Աշխատանքի նպատակը հետևյալն է. որոշել ժամանակակից տեխնոլոգիաներով պատրաստված անշարժ կոնստրուկցիաներով պրոթեզավորման դեպքում օրթոպեդիկ բուժման արդյունավետությունը՝ պարողոնտային համալիրի վիճակի տեսակետից:

Աշխատանքի գիտական նորույթն այն է, որ առաջին անգամ ունտղենարանական, լնդահեղուկի քանակության, ջրածնային ցուցանիշի, ցիտոմորֆումետրիկ և միկրոբիոլոգիական համալիր հետազոտությունների միջոցով կատարվել է պարողոնտի վրա զանազան անշարժ օրթոպեդիկ կոնստրուկցիաների ազդեցության համեմատական վերլուծություն: Որոշվել է օրթոպեդիկ կոնստրուկցիաների համեմատական արդյունավետությունը պարողոնտալ համալիրի ամբողջականության վերականգնման տեսանկյունից: Հաստատվել է, որ CAD/CAM եղանակով պատրաստված օրթոպեդիկ կոնստրուկցիաների կիրառումը նպաստում է հենակետային ատամների պարողոնտի հյուսվածքների վիճակի բարելավմանը՝ մասնավորապես ցիրկոնիումի դիօքսիդի հենքով կոնստրուկցիաների դեպքում:

Գործնականում աշխատանքի արժեքն այն է, որ կլինիկական թեստերի օգտագործումով պարողոնտալ հյուսվածքների վիճակի գնահատումը նպաստում է բժիշկ-ստոմատոլոգի կողմից անշարժ պրոթեզի կոնստրուկցիայի ձիգտ ընտրությանը: Ցիտոմորֆումետրիկ, բակտերիոլոգիական և կլինիկական ուսումնասիրությունները հիմնավորում են պարողոնտալ հիվանդությունների ժամանակ CAD/CAM տեխնոլոգիայով պատրաստված անշարժ պրոթեզների առավել արդյունավետությունը, որոնք բերում են պարողոնտալ հյուսվածքների վիճակի և բերանի հիգիենայի մակարդակի բարելավմանը:

Ա.Գ.Հերոյանի աշխատանքն ունի կարևոր գիտագործնական արժեք, քանի որ հնարավորություն է տալիս ընտրել համապատասխան անշարժ օրթոպեդիկ կոնստրուկցիա տարբեր կլինիկական դեպքերում՝ խուսափելով հնարավոր սխալներից և բարություններից: Առաջարկվում է պարողոնտի ծանր ախտահարումների դեպքում օգտագործել CAD/CAM եղանակով պատրաստված

ցիրկոնիումի երկօքսիդի հենքով կոնստրուկցիաներ: Մինչդեռ պարօղնութի առողջ հյուսվածքներով բուժառուներին կարելի է խորհուրդ տալ ցանկացած օրթոպեդիկ կոնստրուկցիայի կիրառումը՝ պատրաստված ինչպես ավանդական տեխնոլոգիայով, այնպես էլ քրոմ-կորալտային և ցիրկոնիումի երկօքսիդի հենքերով CAD/CAM տեխնոլոգիայով:

ԵԶՐԱԿԱՑՈՒԹՅՈՒՆ

Արտակ Գագիկի Հերոյանի «Պարօղնութի հյուսվածքների կլինիկո-լաբորատոր վիճակի համեմատական գնահատումը մետաղական և ցիրկոնիումի օքսիդի հենքերով կոնստրուկցիաների կիրառման դեպքում» թեմայով բժշկական գիտությունների թեկնածուի գիտական աստիճանի հայցման ատենախոսությունը ինքնուրույն, ավարտուն, արդիական թեմայով իրականացված գիտական աշխատանք է, որում կատարվել է պարօղնութի վրա զանազան անշարժ օրթոպեդիկ կոնստրուկցիաների ազդեցության համեմատական վերլուծություն և ստացված արդյունքները կարելի է կիրառել գործնական օրթոպեդիկ ստոմատոլոգիայում: Աշխատանքը հիմնված է մեթոդաբանական ձշգրիտ ուրվագծված նպատակի, հետազոտման ժամանակակից եղանակների և վիճակագրորեն հավաստի տվյալների վրա: Ատենախոսությունը լիովին համապատասխանում է ՀՀ ԲՈԿ-ի պահանջներին, իսկ ինքը՝ հեղինակը, արժանի է հայցվող կոչմանը:

Աշխատանքը քննարկվել և հավանության է արժանացել «Միքայելյան վիրաբուժության ինստիտուտ» ՓԲԸ դիմանձնութային վիրաբուժության բաժանմունքի 2021թ. օգոստոսի 20-ի գիտական խորհրդի նիստում (արձանագրություն թիվ 4): Նիստը նախազահում էր դիմանձնութային վիրաբուժության բաժանմունքի վարիչ, բ.գ.թ., դոցենտ Ա.Վ.Պապիկյանը: Նիստին ներկա էին դիմանձնութային վիրաբուժներ Հ.Գ.Սարգսյանը, Գ.Ա.Տեր-Սարգսյանը, Ա.Ա.Խաչատրյանը:

Միքայելյան վիրաբուժության
ինստիտուտ» ՓԲԸ դիմանձնութային
վիրաբուժության կլինիկայի դեկան
բ.գ.թ., դոցենտ՝

Ա.Վ.Պապիկյան

Ա.Վ.Պապիկյան

բ.գ.թ., դոցենտ Ա.Վ.Պապիկյանի ստորագրությունը հաստատում էս
«Միքայելյան վիրաբուժության
ինստիտուտ» ՓԲԸ գլուխվոր տնօրեն՝

Է.Ս.Քարսեղյան



20.08.2021 թ.